

十卷

五古
七古
五律

錦里先生文集

四

和
1.561
4



和
1861
4



東武稿

錦里文集卷六

平安木貞幹直夫著

男寅亮編

遠孫靜校

五言古體

春雨知時

至矣上天載無臭又無聲。於穆純不已。元亨與利貞。
四德雖互運。一氣只生生。生意何所見。品物自流形。
地脉融凍洛。土膏達勾萌。青風柳偷眼。紅雲花會情。
搏黍已應候。布穀漸勸耕。當斯發育日。甘雨暗春城。



毛輜看不見。絲亂縱又橫。閨首走蠶婦。鉞水杼農氓。
木德方鼎盛。金穰亦鏘鳴。勃興誰能禦。進退人何爭。
維昔君子教。時雨化自成。四勿暨一貫。顏曾莫與京。
有爲亦若是。九萬凌鵬程。爲報諸君學。及時在勉行。

七言古體

驢馬行

塞北奇畜有驢名。巨耳修尾長頂頸。服重致遠力常
足。契象應更智自精。骨格如馬少風逸。毛色似牛代
田耕。一朝馳入中原牧。漢廷駕馭至公卿。華陰經過
任他傲。長安旅食憐彼生。滑稽聊堪加九錫。笑墜那

妨頌太平。金華學士日東曲。博識能言異域情。王
姓臣族傳永世。徐福玉環遺豐盛。何幸白額無害物。
還喜青牛不度瀛。可嘆欠斯廬山公。陸運徃徃擾驛
程。常山相公最樂善。求利世用久經營。適從雞林獲
此種。牝牡相逐來江城。薌粒清泉勤能養。鬚奴髯奚
通其鳴。蕃息已見恩禽獸。煦育復知惠黎氓。山鳥山
花春未老。池水池月秋正明。一年更有佳趣在。溪橋
風雪詩思清。此時牽出堦砌下。漆鞍絲韁無飾纓。鶴
警鳥巾頗相稱。好事風流誰共爭。衝花踏月又立雪。
醉騎倒騎自在行。彩筆擇勝十景出。錦囊得意千篇

成。推敲餘興浩無涯。波及吾輩汗且驚。謾將砭砭報
瓊珍。謬唱巴歛亂咸英。呈技深恐柳州戒。文中綉虎
氣嵒嶮。

五言近體

大駕遊柳宗矩之林亭恭紀一首呈扈從諸公
處處春風好。翠華到別村。柳迎仙仗拜。花近御簾翻。
香度林端雪。綠浮座上尊。江城佳麗地。滿眼錦乾坤。

奉謁元老酒井公承命呈一律

堂堂黃閣老。德望正超倫。四海經綸手。千秋社稷臣。
不言天自化。有脚物皆春。花柳無私處。陽和達九垓。

春日育德園宴呈 敕使源亞相公

園林晴景好。華轂暫停輪。柳眼青迎客。花腮紅媚人。
東閣望卿月。萬國仰王春。歌詠風流在。鳴禽別樣新。

神崎八景 并序

神崎在廣陵城西南。臨海控山。形勢雄麗。今茲
陽牧新構別館。以為游息之所。而擇其勝境之
美于觀望。標為八景。其始于西疇。春雨者。知稼
穡之艱難也。終于南浦。漁舟者。警君民之載覆
也。想夫耕釣之間。將復有遺賢之求乎。秋月清
明。霽雪皓潔。則可比心地之明淨。山翠榮瘁。民

金里文集卷六
烟多寡。則足則邦國之肥瘠也。自在之雲。間適
之鷗。亦遊情於物外。然則公之所取。豈徒流連
先景者哉。既而命工描八境。而令幹題燕詞。幹
以為居上通下情。觀物寓勸戒。君子之美意也。
不可得而辭矣。於是每境賦詩。書之。各畫之後
云。

西疇春雨

農務村村雨。連朝晴又陰。雉雛藏麥隴。鳩婦喚桑林。
百穀發生始。三春膏澤深。猶思夏畦日。可復灑商霖。

江場秋月

江場秋景異。夜色託霜毫。想見鴻遵渚。如聞鶴喚皋。
煙收層嶂秀。雲散一輪高。何日廣陵去。併觀八月濤。

巖島疊翠

華表標神島。靈祠鎮海州。連雲疑有雨。積翠看如流。
燈影魚龍舞。潮聲日月浮。彌山無限樹。榮茂到千秋。

已斐霽雪

已斐衆峯連。玲瓏高接天。夜明月無影。日出玉生烟。
幾處鴉聲喜。半消樹色鮮。三農齊扞野。今歲亦豐年。

草津朝煙

江村晨氣起。片片若雲揚。籠日碧紗薄。牽風素練長。

漁舟時隱見。民舍半遮藏。可識邦長富。人烟滿水鄉。

箕峯晚雲

海上箕峯出。閒雲處處浮。影清秋水渚。色映夕陽樓。聚散無人管。卷舒得自由。明朝伴龍去。霑澤四方流。

前川白鷗

晴風翻玉羽。日日在前灣。寧浣鷺塵土。不驚漁往還。忘機世網外。自在煙波間。何必浮江海。箇中清且閒。

南浦漁舟

綠簑青篲笠。雲水是生涯。釣雪坐來久。凌風歸去遲。身任黃髮老。機有白鷗知。碧草連春浦。何曾傷別離。

夏雲多奇峯

久旱雲峯起。炎炎各自奇。嵯峨抽玉笋。彷彿望金枝。牲璧無虛日。天山有遯時。明朝降甘雨。可與岱宗期。

仙掌玉露

雲表金莖耀。備美沆瀣滋。如珠流九戶。似水美三危。試解侍臣渴。可知方士欺。願言君子澤。膏被頌昌期。

蓮池涼雨

日午蓮塘雨。爽然氣若蕪。迎風嬌欲語。裊露美如濡。避暑微無酒。招涼亦有珠。一池清興滿。何必泛江湖。

中秋前五日某亭賞月

大半涼天月。已供做燭遊。芳芽爭北苑。清興勝南樓。
珠露映空滴。金波入座流。賞心滿無缺。何必待中秋。

乙亥元日

中夜星杓轉。滿腔春意生。人心有通塞。天理自分明。
病向殘冬去。氣從平旦清。躬衰志猶在。欲復舞雞聲。

其二

曆元千歲古。時令一般今。臘雪聞農慶。年華催我吟。
梅花鄉里眼。草色自家心。環堵有餘樂。春風拂曉簪。

馬島八景

岐島晴巒

千里東南美。天晴入遠眸。雲霞蓬島出。煙霧博山浮。
無日不多態。有時似點漚。乾坤如許大。誰上一層樓。

白城歸帆

滄海皇波穩。白城佳氣蔥。千年舟楫利。兩國往來通。
遠載雞林月。近隨鰲浦風。貽謀餘慶在。隣好永無窮。

虎崎漁燒

漁翁何太苦。日入不能休。明滅螢初化。去來星乍流。
何須探虎穴。只合伴羊裘。早晚滄浪水。濯纓寫我憂。

八幡晚鐘

八幡古廟宮。鐘迤晚雲風。帶雨時時斷。報晴一一通。

鶴飛華表外。鴉散夕陽中。一葦三韓客。武臣可勒功。

立龜秋月

山背黃金色。似蠖又類龜。光從清夜吐。明與素秋期。
不受牽泥污。堪稽薜月疑。靈娥如用卜。何假有黃著。

波戶夜潮

潮信不欺暗。難量造化功。須臾沙岸沒。進退井泉同。
勢自天池湧。氣將月窟通。試敲波上戶。一徃問龍宮。

海岸白鷗

日日親漁艇。時時傍釣磯。無心千點聚。自在幾群飛。
未了浮生理。轉覺塵網非。隨波兼逐浪。安得彼忘機。

後山暮雪

朔吹黃昏急。玉山空裏橫。回頭俄突兀。良背更光明。
鄭五吟尤苦。陳三寒逾清。漁簑雖句好。欠此氣晴嶸。
奉和常府相公驢馬尊韻

仙李文章焰。赫如日月麗。欲成大鵬賦。先詠小驢詩。
壓倒三韓使。才名四海馳。蒼蠅何足道。幸得託麟騏。
平田某席上賦杜鵑

相呼似求友。相去不成群。聲苦三更月。魂飛萬里雲。
田家宜報候。旅客豈堪聞。幸得朋簪樂。杯盤到夕曛。

其二

綠樹新過雨。聲聲似訴冤。歸心隨月遠。啼血染花繁。
芳草王孫恨。班筠帝子魂。冶長今已久。誰又辨禽言。
新雁

霜華飛瀚海。殺氣避胡氛。一碧江南水。數行塞上雲。
纔依紅蓼岸。未與白鷗群。久客遙相望。鄉音稍可聞。
門生桺原希翊。新居成。二三子邀余小酌席上。

賦

佳哉環堵室。筆錄啓東軒。堦砌芝蘭秀。檐間燕雀翻。
午談浮玉露。暑飲對金樽。桃李子方熟。芬芳又滿門。

奉和常府相公尊韻

常山東海表。高誼與雲夷。策定君臣會。論同朋友俦。
懿親分鼎足。隆準類龍姿。為善平生樂。復將雲雨期。

其二

文章應日月。聲譽照華夷。常好嘉賓燕。旁求益友俦。
詩篇無俗氣。筆勢有雄姿。大雅河間德。卓然可共期。

其三

後樂追文正。前修慕伯夷。謙光輝赫赫。學殖當惇惇。
幸辱瓊琚賜。仰觀鸞鳳姿。名園許重過。應待早梅期。
竹苑門主飛錫東。武寓館青松精藍。余執謁陪
侍。塵談未了。賜以高唱。老朽樗散。過蒙稱許。慚

悚次骨。感激曷勝。謹獻俚言。奉謝寵光。

台嶠三千主。遠来自日邊。青松停鶴過。綠竹待鶯遷。
潢派波瀾闊。雲章星斗鮮。霞標隨處在。錦綺照瓊筵。

其二

新詩多至味。若蜜無中邊。叨辱不虞譽。要須避舍遷。
感恩丹府瀝。捧讀碧雲鮮。時有春風度。雨華滿法筵。

秋日某氏宅。邂逅周慶詞伯席上。和示余仲秋

詩。復用前韻謝厚意

凜凜風騷士。詞鋒似鏌干。新知却如故。溫語自忘寒。
投我瓊琚美。醉人醇酎闌。從茲文字飲。青眼可相看。

夏日下山醫伯席上。初識池田詞宗。將歸忽惠

一律。次韻兼謝主人

幽居街市裏。可復叙勤勤。舊好多青眄。新知愜素聞。
淡交平似水。藻思湧如雲。盛意兼珍饌。僕更不忍分。

葵峰公席上次韻

華館逢迎厚。談論雜欲拙。素心慙舊學。白雪羨新題。
幸入芝蘭室。爭成桃李蹊。長安何日至。笑望夕陽西。

本詩有錦里語鄉心忽生故云自註

上常府相公公自號西山隱士

有斐期君子。赫祖亦照今。西山求志老。東海望洋深。

洪範蔡公學。中庸真氏吟。誰令龍德者。重作旱天陰。
送備州刺史小笠原公還企救

忠勤傳望族。禮典號名流。報主常傾日。思親數上樓。
舟行明浦曉。馬度赤關秋。歸獻菊花壽。可忘萱草憂。

花溪橋

吟步溪橋上。桃花夾岸繁。吐芳或題柱。恨落忽消魂。
龍見絲雲遶。虹低紅雨翻。神遊通萬里。直欲問仙源。

伏虎石

於菟叢薄裏。欲搏且潛身。逢李寧知假。見裴恐認真。

耿耿如有視。凜凜遂難馴。若共卧龍起。威風振四鄰。
邀月菴

雲車臨我室。虛左座生光。來往天無跡。抹批夜未央。
金波流地冷。桂影過樽涼。何以爲君贈。露華雜佩香。
勢陽神官度會延貞圖一盆石介人索詩。其為石也。有山有穴。粲粲如雪。藹藹如雲。峯上有白。左右垂下如橋。可限而升。故名曰昇仙石云。勢陽與東武相去殆千里。夫千里想像。有甚於暗中摸索。而按圖索駿。恐有認蝦蟆之謬。雖然九方臯之相馬。在牝牡驪黃之外。管敬仲有云。思

之思之。思之不通。神將通之。延貞若能思之。則有通吾言也歟。

峯頂垂垂白。斷虹空裏懸。月橋雖幻妄。雲路可攀緣。岩疑太初雪。穴通小有天。盆山堪坐隱。何必問飛仙。

暗黃着柳

裊裊含韶景。暗黃映綠池。風回疑學舞。煙淡欲悲絲。齊女輕塗額。虢姨淡掃眉。蘓堤三月暮。青眼可相知。

垂絲海棠

萬朶垂垂發。色兼絲線伴。海棠餘睡思。川柳借風流。日晒扶桑繭。雲輝花萼樓。春榮如有謝。錦樹不擡頭。

杜若

叢叢江渚立。纖質轉堪憐。藥品農皇記。芳心騷客傳。花寧奪朱夏。葉自濯清漣。看欲取青紫。明經思勉焉。

蓮

采采池塘曉。插筍露未晞。風來搖白羽。日出晒紅衣。幸免六郎污。不從五濁非。芬芳君子德。可與主人依。

瓜

青門名果久。綠玉滿盤均。不納田中履。來為席上珍。其嘗崖蜜熟。清嚼水晶新。雖助晚涼好。夏畦思苦辛。

白蓮

瓊姿依翠蓋。嬌色喚將鷹。輕步瑤池月。巧鏤玉井冰。
有時搖白羽。何處集青蠅。更見花君子。清風洗鬱蒸。

奉謝常府相公賜山蕨海鱗

西山君子道。求志古今同。長日學庸誦。新書律呂通。
嘉魚輕丙穴。拳蕨重躡松。珍貺有清味。可知賢者風。
賀高輪本多公弄璋

男兒四方志。今朝弧矢張。熊羆魂夢吉。橋梓本支長。
俱祝維千壽。行看則百祥。願君勤積善。闕閱有餘慶。

悼淡水翁

將種三公後。超然氣槩雄。活機輿論外。勇退急流中。

何意金庚伏。忽看華甲窮。交情逝川水。如此去為空。

紅影添線

幾綫添功去。漢宮人見稀。黃鐘復陽律。紅影轉陰機。
衰髮絲猶短。老心灰不飛。兒曹可勤讀。寸畧百朋非。

春服既成

暮春春服好。點也此時同。狂簡三千士。詠歸六七童。
洗心沂水浴。拂面舞雩風。今古濂溪月。洒然樂莫窮。

奧竹亭主人。余未挹芝宇。聞其風流文雅。頗有
識韓之懷。比日託人求題其亭。贈一律以為他
日之先容。

夏景
梅天連日雨。吹霧快相看。積翠凝猶滴。層雲滌未乾。
綠蕪難極目。碧水不揚瀾。山上長無夏。雪華六月寒。

秋景

爽氣彌西嶺。長林護大宮。霜餘千樹縹。照返半天紅。
似畫花凹凸。如妝葉淡濃。君看居士富。錦帶挂秋風。

冬景

璀璨隆冬雪。勢無崑岳侔。乾坤天一柱。日月地尖頭。
塊看三千界。玉成十二樓。鵬程風九萬。低翼掩神州。

細川若州刺史令嗣采女公。妙年善書。席上為

余揮灑數十紙。作一律奉謝。

風流公子美。飛筆氣翩翩。草勢龍蛇走。墨痕星斗鮮。
臨池涼雨後。舞劍夕陽前。庭砌芝蘭秀。可知奕葉賢。

上巳

三春荏苒遷。上巳武江邊。朝會遇佳節。祓除臨遠
川。天晴山色近。野香草光連。欲問仙源路。桃花照玉筵。

寒梅

姑射神人在。神全不覺寒。冰肌寧起粟。玉頰自無瘢。
木母好逑少。水仙為弟難。風饕兼雪虐。君子冷相看。

菊有佳色

粲粲一叢菊。金風蕭瑟時。色須以黃正。氣不為居移。霜傑少官掾。隱君多野姿。徘徊三逕裏。日夕欲歸遲。

荷花

朱華朝日上。清氣滿臺池。洛女凌波緩。齊妃步地遲。由來通直質。不受淤泥緇。試看花中實。君子可相期。

葵花

葵花天尚冷。光色雨餘深。近檻芳盈座。傷墻錦作林。少款羨露掌。偏抱向陽心。本末開先後。可為躡屐箴。

朝花萬福

蕊氣曉津津。泛光晴旭勻。芳心薰面目。秀色發精神。

紅醉仙霞醞。清含瑞露珍。南華八千壽。福屬木邊春。

雁來紅

奇卉滿庭色。紅紅花不如。雞冠疑異類。雁翅似同居。血染蘓卿淚。心丹郝伯書。想看霜信至。欲問故人疎。

白牡丹

誰采藍田玉。種添上苑光。春風天下白。夜月一庭香。猶恐銀杯化。深圍綉幕藏。姚黃并魏紫。未必許花王。

龍門桃花

導河從積石。意匠代天工。源問晉賢記。流思禹鑿功。漂雲三級浪。傳信幾番風。元禮門前客。醉心滿面紅。

白蓮

金旺火西流。白藏湖面秋。花搖諸葛扇。根種太華舟。蛟窟明珠出。瑤池素月浮。晚來新過雨。玉色更清幽。

白桃

自罷瑤池宴。誰知人面紅。玄都春已老。姑射雪將融。粧洗梨花雨。香飛柳絮風。滿蹊清意味。都在不言中。

榴花

曾傳安石種。遠播漢家名。吟裏動人色。雨餘照眼明。仙裙紅尚濕。火候子初成。待得秋風熟。錦囊詩思清。

柑子

一夜洞庭霜。滿林夕景黃。盤餐金作顆。珍味玉為漿。收子資家計。留皮附藥囊。清泉與香霧。吐語自芬芳。

蠟梅

凜烈風霜底。寒花簇簇黃。喚醒浮玉夢。來做智瓊妝。梳貌寧求賈。麝臍可蘊香。誰分真臘種。木母產佗揚。

櫻

翠幙圍花坐。錦茵鋪草暄。日烘香世界。風轉雪乾坤。紅意入葩句。芳心滿綠尊。貪看夕陽好。不覺到黃昏。

遊自性精舍

松杉蕭寺靜。涼氣滿簾櫳。老樹千年綠。名花百日紅。

鳩呼午天雨。蘭馥暮檐風。方外交如水。洗心眼自融。
鑑宇高公更番駮府。余時卧疾。無一言華行色。
而今也病愈。因賦五絕一律以呈。亦別賦排律
一篇以述懷。

武門累世英。番守駿州城。前世先鳴勇。今時活佛名。
崇文神策選。仲武雅編精。游藝時揮筆。江山可助情。
杉浦君別莊

美莊宜養老。泉石日相隨。觀水添清福。樂山培德基。
有龍高卧處。似豹隱栖時。主人多壽色。松栢亦仙姿。
一軒栖碧軒

勇退功成日。士林名亦馨。花衣笑無語。柳邊眼自青。
鳳毛知世美。鶴髮占仙齡。官味不重醉。碧山映綠醞。

金剛暮雪

天風吹霽雪。暮景氣晴嶸。嶺幻千秋色。野開一望清。
歸禽迷不夜。淡月詵生明。願假金剛性。永存白玉貞。
祇園生席上

十八山東妙。才名世共聞。危言甘似蜜。藻思湧如雲。
人誦斗南一。馬空冀北群。百篇不終日。行看任斯文。
書齋梅依白石韻

窗梅紅與白。二妙在同臺。醉向瑤池去。清從姑射來。

金皇集卷六
黃眉臨卷展。青眼入簾開。多謝殷勤意。老興爲君催。

中秋

海上冰輪出。乾坤秋氣高。金風拂雲漢。玉露滴林臯。
一歲期斯夕。十分屬我曹。壯遊心未老。欲看廣陵濤。

風外鯨鐘

日夕天風起。殷其金吼辰。聲從雲外濕。響入谷中頻。
霜散豐山曉。花飛長樂春。料知君子思。聽與武臣親。

東風解凍

東風初解凍。潛伏欲離霖。未耐躍懸瀑。且欣出涸陰。
尾頰勞履薄。網設易臨深。圍圍依寒藻。可安孝子心。

石徵君訃音至

塵談渾若夢。忽聽訃音傳。悵望一千里。舊知三十年。
霜嚴岩桂折。人去凸花遷。清瘦耽詩味。魂應伴浪仙。

細雨催花

好雨花時節。東君德澤深。化機新錦樣。羯鼓舊紅音。
桃李同含笑。燕鶯相和吟。毛空看不見。滋潤滿芳林。

桐花紙

屏障兼墻壁。豪家采縛鮮。三華抽穗並。一葉掩根連。
雲母銀敷地。石黃金湧泉。鳳凰栖可好。及是太平年。

春雪

餘寒正月半。連日雪飄空。未報梅花信。既看柳絮風。
含滋蕪宿麥。霏屑糝新叢。待得春光滿。遷鶯路可通。

新綠勝花

浮花并浪蕊。新綠可中庭。紅紫聖門惡。忠清騷客醒。
色難顏有赧。交淡眼終青。對此何無語。鳴禽暮未停。

呂望

八十礪溪叟。一竿心自長。遇文俄虎變。涼武復鷹揚。
黃石傳兵法。丹書戒義方。貨泉開九府。恐令我廉傷。
夏日官園納涼。此日主客俱少酒量。若欲塵談。
花鳥相伴。悠然終日。聊賦所見。

避暑官園裏。洒然忘世氛。滌煩嘗北焙。解愠挹南薰。
好鳥聲聲樂。美花種種芬。雖無碧筒飲。清樾綠如雲。

弘文林學士與令郎及其門之賢輩。詣三浦文
人之宅。相與賦寒松詩。丈人余之莫逆也。錄示
衆作。使余容喙於其間。感丈人之遠勤。為述狂
斐以贈之。所謂薰葭倚玉樹者。資見者之一噓。
寒威凋百卉。君子色彌深。寧待棟梁用。自操霜雪心。
疾風知勁節。愛景滿清陰。想見主人老。桓桓立士林。

池田炭

六六三十六。籬頭簷葉風。烏銀全凝雪。墨菊半揚紅。

陰冷避三舍。陽和送五窮。試詩開凍口。頭腦恐冬烘。

恭聞御講紀一首

清時多暇豫。御講演坤乾。瀾辨如流地。玉音欲徹天。儒風通四表。聖澤被無邊。利見大人德。仁聲入舜絃。

葵峯豐君有削杖之變。五言一律奉問孝履。以

慰讀禮之哀云。

麻衣霜雪冷。觸目淚縱橫。冬笋空傳味。水魚更愴情。杯圈存舊澤。苔塊異平生。感發嚴寒日。節哀可致誠。

夏菊

粲粲炎天菊。清芬洗俗腸。重陽未冒雨。六月先飛霜。試把東籬酒。聊迎北牖涼。餐英兼摘蕊。猶見昔賢香。

劉備

務攬英雄志。向人推肺肝。能收熊虎將。更極水魚歡。欲起漢灰冷。先圖蜀道難。王業明天下。何必恨偏安。

關羽

誰如髯絕逸。神武古今彰。心服漢劉正。名晞楚項強。眼中無敵敵。度內有王王。空隨阿蒙計。長令志士偏。

張飛

火德收餘燼。依光共附攀。名雖亞關羽。義豈斬嚴顏。

非賴萬人敵。爭勝三國難。如何無命在。不戮老瞞姦。

楠公

獨木支天下。有誰攀厥喬。一心存北闕。三世護南朝。遺愛借河內。餘寬激浙潮。忠魂儼如在。楚些不須招。

信玄

武田生將種。秀作一時雄。八陣師諸葛。六韜祖太公。風威偃關左。氣勢卷濃東。軍鑑照方國。但憂入霸功。

謙信

不忍雙鵝變。起將救洛陽。權謀雖假霸。名分欲勤王。八翼人心折。兩旗我武揚。平生多義氣。四海服剛腸。

望月翁和歌者流哲匠。仙遊厭世。歲星回天。餘暉殘照。映徹桂華之秋。遺芳剩馥。秀發桃李之春。門生高幽山不勝追慕。以往事如夢。請歌詩於詞林。余亦賦一律。以漏懷舊之餘哀。

歌林芳不歇。往事易傷情。蝶自花飛散。鹿從蕉破驚。地仙添六六。月御失盈盈。一瞥十年夢。永傳千歲名。醫木村謙菴。鴻術盛行干士林之間。出則縉紳爭迎。居則戶外履滿。刀圭之所投。莫不有奇効矣。一日招余。款待特厚。珍饌美果。醇醪芳茗。杯盤滿座。觴咏剪燭。其居近市。入門蕭然。歛避塵

金里文集卷六
三十一
寰庭際掩映。竒樹異草。海腹衛茅。菊莖梧桐。橘
子蔭井。杏林隔垣。翁之處事。一卉一木。莫不在
青囊之用。宜乎其術之精。而行世之盛也。况又
二難風流。比謝家之蘭玉。諸生英俊。比狄門之
桃李。談論未畢。明月出干樹間。主賓相樂甚。余
與簡亮二子。各賦所見以謝。

盧家雖近市。草木不尋常。鬼箭除邪祟。人參助禁方。
橘陰丹井湛。菊徑藥囊香。料知君仁術。後來多慶祥。

九月十三夜

季女十三面。學粧鏡拂雲。青娥初可惜。丹桂老彌薰。

先甲猶三日。幾望未十分。謙光堪仰止。清影有餘芬。

哭恭雲子

吾友遂如此。聲光埋未消。有時騰劍氣。何處望仙標。
雨歇愁雲暗。風來淚葉飄。九原何忍看。宿草自蕭蕭。

